



UNIVERSITÄTS-  
BIBLIOTHEK  
PADERBORN

**D. DIONYSII || CARTHVSIANI, DE || DOCTRINA ET REGV-||lis  
vitae Christianæ**

**Dionysius <der Kartäuser>**

**Coloniae, 1577**

**VD16 D 1959**

Quid filij ac fili specialiter tenentur suis parentibus 12.

---

[urn:nbn:de:hbz:466:1-60177](https://nbn-resolving.org/urn:nbn:de:hbz:466:1-60177)

Seruientes nanque, obsequium & mercedem terrenam ordinare debent ad Dei honorem, propriamq; salutē, sic vt necessaria vitæ suis laboribus acquirendo, subsistāt obsequi Deo: & ita suam paupertatem ac seruitutem debent equanimiter ferre, imò & Deo inde regratiari, atq; ex prōpto & deuoto animo ministrare. Ita egit abbas Olympius: De quo legitur quanto volumine vitæ sanctorum patrum, qui ex seruis fuit, omniq; anno descendit ab eremo in Alexandria portās pretiū dominis suis, qui occurrebant ei, & salutabant eū. Senex autē fudit aquā in peluim, vt lauaret pedes illorum. Quod dixerunt: Noli pater, ne graues nos. Respondit: Ego sum seruus vester, & gratias ago quòd permisistis me liberè Deo seruire. Et nisi permisieritis mihi pedes vestros lauare, & pretium allatum sumpseritis à me, manebo hic & seruiam vobis. Illi verò in reuerentiā ipsum habentes, dederunt ei potestatem faciendi quod vellet, ac reuertentem honorificè deducebant.

*Quid filij ac filia specialiter teneantur  
suis parentibus, Art. XII.*

*Descen*

*Olympius  
Abbas.*

**D**escendit Iesus cum Maria & Ioseph, & fuit subditus illis. *Luc. 2.*  
 Ecce vnigenitus patris æterni factus filius virginis, obtemperavit suæ dulcissimæ matri, immo & patri putatiuo atque nutritio: quanto magis cæteri filij ac filiæ suis debent parere parentibus, vniuersique subditi superioribus suis?

REGVLA I.

**P**roles ergo primò tenetur suos parentes diligere speciali, immo precipua dilectione post Deum, vt seipsam, non solum naturali, sed etiam, immo principaliter, spiritali more: Primò, propter Deum & eius bonitatem, hoc ipsum iubentem: *I. II.*  
 Secundo quoniam parentes primo & valde precipuè diligunt sobolem suã, immo communiter plus, quàm proles diligunt parentes. Tertio propter magna illa beneficia, quæ parentes suis exhibuerunt filijs ac filiabus, vt statim dicitur. Sic Ioseph patrem suam sanctum Iacob dilexit intantũ, *Gen. 46.*  
 quòd post plurimos annos venienti ad se occurrrens, cecidit super collum eius, & inter amplexus fleuit: immo *Gen. 50.*  
 super defunctum corruit flens atque

deosculans ipsum, vt fertur in Genesi.

## REGVLA II.

*Coloss. 3.  
Filij in qui-  
bus parenti-  
bus obedire  
teneantur.*

*Hest. 4.*

*Ioan. 19.*

**P**Roles tenetur suis obedire paren-  
tibus dicente Apostolo: Filij obedi-  
te parētib. p̄ omnia. Quod intelligē-  
dum est de omnibus ad quæ se exten-  
dit authoritas parentum ad sobolē: vt  
sunt pertinentia ad regimē dom⁹, di-  
spēsationēq; rei familiaris, atq; susci-  
piendū equanimit̄ exhortationem,  
correctionē, & castigationē ab ipsis.  
Sic Hester regina, monarchæ sociata  
cōiugio, adhuc obediuit patri suo ad-  
optāti, & auunculo Mardocheo, quē-  
admodū agere cōsueuit, ante suā pro-  
motionē. Veruntamē proles iure di-  
uino libertatem habet intrādi religio-  
nē, etiā inuitis parentibus: nisi forsan  
ex paupertate & imbecillitate multū  
indigeant prolis auxilio atque prę-  
sentia. Nam & Christus in cruce suam  
charissimam matrem commendauit  
suo dilecto discipulo Ioanni.

## REGVLA III.

**P**Roles tenetur parētibus suis esse  
grata pro viribus. Tanta quippe  
beneficia proles à suis est sortita  
parentibus, q̄ non potest æqualia eis  
rependere, iuxta verbū illud cōmune  
Deo;

H. DE VITA CHRISTIAN. 159

Deo, parentibus, & magistris non potest reddi æquiualens. Habet equidem proles à parentibus esse, ac informationem & educationē. Ideò verbis & factis tenetur ipsis grata esse pro viribus: & quicquid rependerit illis, recognoscere, quod non rependit nec reddere potest ipsis æquiualens, id est, retributionem condignā. De hoc recitatur exemplum terribile de filio quodā ingrato, cui parentes adhuc viui tradiderunt omnia bona, vt nobiliorem acquireret sponsam, qua sumpta, parentes suos paulatim fame & siti permisit affligi. Cumque vice quadam pater eius iam senex ingrederetur filij domum, in qua auca assabatur ad ignem, filius patris aduentum percipiens, veru cum auca portauit in cameram. Deinde reuersus vt aucā referret, vidit in veru monstrum turpissimum tanquam bufonem, quod protinus faciem eius inuasit, inseparabiliterque inhæsit: sicque per diuersa territoria ductus in exemplum ita agentium: tandem ad orationes deuotorum, Deo miserante est liberatus.

*Exemplum  
de filio in-  
grato.*

REGVLA

*Tob. 4.*

*Eccle. 7.*

**P**roles tenetur suis parentibus  
interiorem & exteriorem hono-  
rem, in signum ac reuerentiam  
maioritatis & authoritatis ipsorum  
super se. Hinc Thobias filio suo iussit:  
Honori semper habebis matrem tuam.  
Memor unum esse debes, quæ & quã-  
ta pericula passa sit in utero suo pro-  
pter te. Vnde in Ecclesiastico legitur:  
Gemitus matris tuæ ne obliuiscare.

REGVLA V.

*Eccle. 7.*

*Eccle. 3.*

**P**roles tenetur suis parentibus tem-  
pore indigentiae necessariam su-  
stentationem, ac seruitutem pro-  
posse, in recompensam educationis &  
administrationis sibi ab illis exhibite.  
Hinc in Ecclesiastico dicitur: Qui ti-  
met Dominum, honorat parentes, &  
quasi dominis seruiet his, qui se gene-  
rauerunt, in opere & sermone cum  
omni patientia. Gloria enim homi-  
ni, ex honore patris sui, & dedecus  
filiij, pater sine honore. Fili suscipe  
senectam patris tui, & ne contristes  
eum in vita illius: etsi defecerit  
sensu, veniam da, & ne spernas, eum  
in tua virtute. Quam malæ famæ  
est, qui derelinquit patrem, & est ma-  
ledictus

DE VITA CHRISTIAN. 161

ledictus à Deo, qui exasperat matrē.  
Hinc ad Ephesios ait Apostolus: Ho-  
nora patrem tuum, & matrem tuam,  
quod est mandatum primum in pro-  
missione, vt sis longæuus super ter-  
ram. Nempe cū proles à parentibus  
suis habeat esse & vitam, honoran-  
do taliter parentes suos, meretur vitæ  
suæ conseruationem & prolongatio-  
nem: imò & prosperitatem maiorē. Et  
hoc, secundū legē cōmunē, quanq̄ in-  
terdum aliter accidat, secundum ordi-  
nem diuinæ prouidentiaē, ex causis  
occultis. Denique tam enorme est,  
horum oppositū agere, quod Deus p  
Moysem iussit filium contumacem  
parentibusque rebellem, comessatio-  
nibus potationibusque vacantem la-  
pidari. Et rursus: Qui maledixerit, ait,  
patri aut matri, occidetur. Iuxta hanc  
formam ministrauit patri suo S. Hu-  
go Lincolnien. episcopus. Cū ete-  
nim pater suus venerabilis miles ac  
senex, se ipsum cum filio suo Hugone  
adhuc puerulo tradidisset canonico-  
rū collegio, post aliquot annos pater  
collegij cōmisit Hugoni patris pro-  
prij curam. Quod Hugo libentissimè  
ac diligentissimè adimpleuit, ac inter  
ipsa

*Ephes. 6.*

*Deut. 21.*

*Exod. 21.*

*Leuit. 20.*

*Exemplum*

*S Hugone*

*Lincolnien.*

*Augustinus* ipsa obsequia pater ille filio suo multo-  
 ties benedixit: quæ seruitutes patri  
 exhibitæ & benedictiones à patre re-  
 ceptæ, super mel & sauum suaves e-  
 rant Hugoni, & sanctificauerunt e-  
 um copiosè. Refert quoque Augustin'  
 exemplum terribile, quòd in Cappa-  
 docia fuit vidua, filios habens  
 septem, à quibus mater dirè offen-  
 sa, maledixit eisdem, qui protinus  
 metuendo, corporis capitique tre-  
 more percussi sunt, & tantam suam  
 confusionem in suo oppido non fe-  
 rentes, hinc inde dispersi sunt. Tandè  
 vnus illorum in ecclesiam S. Augu-  
 stini deuenit, & ibi curatus est.

## REGVLA VI.

**P**Roles debent clandestina ma-  
 trimonia atque incauta vitare,  
 & seniorum ac parentum seu a-  
 liorum prudentium vti consilio. Ma-  
 trimonium nanque est insolubile vin-  
 culum, circa quod inexperti & iuue-  
 nes cito ac sæpè falluntur. Et quam  
 magnum Dei donum est, habere con-  
 iugem bonam, seu maritum laudabi-  
 lem, tam miserrimum est, peruersum,  
 discordem, inconuenientē habere con-  
 toralem. Vnde in Ecclesiastico fertur.

Mulieris